

Kommunini suliffissarsiuustsisarneq suliffissarsiortullu killilersimaarneqamissaat il.il. pillugit Namminersornerullutik Oqartussat Nalunaarutaat nr. 40 18. september 1990-imeersoq

Suliffissarsiuustsisarneq pillugu Inatsisartut peqqussutaanni nr. 11 ulloq 16. december 1988-imeersumi § 5, imm. 4, § 8, imm. 3 kiisalu § 12, imm. 2, aamma Kalaallit Nunaannut suliffissarsiortut killilersimaarneqamissaat pillugu Inatsisartut. inatsisaanni nr. 18 ulloq 16. december 1988-imeersumi § 8 naapertorlugit aalajangersarneqarpoq:

Suliffissanik innersuussisarneq

§ 1. Kommunalbestyrelsip isumagissavaa sulisitsisut suliffissarsiortullu Kalaallit Nunaanni suliffissarsiuussisarnermik ilitsersuunneqarnissaat, tamatumaniissaaq suliffissarsiortut killilersimaarneqarnissaannik malittarisassanik.

§ 2. Suliassanik innersuussineq pisassaaq suliassap suuneranik tungavissarititaanillu naliliineq suliffissarsiortumut paasissutissat, tamatumani ullut ukiullu kisitsisillu allat inummut namminermut tungassuteqartut, ilinniarnermik inuutissarsiummillu ingerlatsisimaneq kiisalu peqqissutsimut paasissutissat tamaasa ataatsimut ataqatigiissillugit.

Imm. 2. Suliffissarsiortoq inuttut atukkaminik peqqissutsiminillu peqquteqarluni suliassamik akornuteqarani pissarsisinnaangikkaangat akornutaasunik qaangiiniarnermi suliffissarsiuussisarfiup inunnik isumaginniffeqarfik suleqatigisassavaa.

§ 3. Sulisitsisumut sullivimmulluunnit sulisussanik innersuussineq pisassanngilaq

1) sullivik, uppernaisaatissat naammattut tungavigalugit, sulumajunnaarnermit sulisitsisulluunniit sulisartuminrik sulisitsiumajunnaamerannit eqqorneqaraangat, inatsisinik unioqqutitsiffiusuutitaangippat, imaluunniit

2) sullivik soqutigittaalliorujussuarnini peqqutigalugu Sullivinnik Nakkutilliisoqarfimmit peqqussuteqarfigneqarnerminik malinnissimangikkaangat.

Imm. 2. Suliffissarsiuussisarfiup sullivik imm. 1-p immikkoortortaanit 2-mit eqqugaasimanersoq tungavissaqartumik nalornisoorfigissagalaruniuk Sullivinnik Nakkutilliisoqarfik saaffigisassavaa.

Kommunit akunnerminni suliffissarsiuussisarnerat

§ 4. Sulisussat sumiinnertik naapertorlugu nikissinnaassusiat iluaquserumallugu kommunit suliffissarsiuussisarfiu suleqatigiissapput.

§ 5. Kommunimi atorfimmut inuttassarsiukkamut suliffissarsiortunik naammattunik piginnaassusilinnik innersuussassaqaanngikkaanni, § 2 takuuk, suliffissarsiuussisarfiup suliassamik

innersuussut ullut sisamat qaangiutinnginneranni kommunini allani suliffissarsiuussisarfinnut telexerutigissavaa imaluunniit aqutit allat allakkiorluni saaffiginnissutigilertorneqarsinnaasut atorlugit. Saaffiginnissutip imarissavai atorfiup suunera, tunngavittut piumasarisasut, atorfiup pinissaanut inissaqartitsisoqarnersoq kiisalu angalanermut aningaasartuutit sulisitsisumit akilerneqassanersut.

§ 6. Innersuussutigalugu nalunaarutigineqartuptiguneraniit ullut sisamat qaangiutsinnagit kommunip tigusisup kommuni nassitsisoq nalunaarfigissavaa sulisussamik atorsinnaasumik innersuusnutissaqartoqarnersoq.

§ 7. Suliassamik innersuussutip nunaqarfimmit nikittariaqalerneq kingunerissappagu sulisitsisoq pisussaavoq sulisussamik avataaneersunik pisarnertulli Kalaallit Nunaanneersumut inissaqartitsissalluni angalanermilu aningaasartuutit akilissallugit.

Imm. 2. Piffissani immikkut ittuni suliffissaq ataavartuuppat qinnuteqarnikkut aningaasanik inatsimmi atugassatut immikkoortitaasut iluanni angalanermut aningaasartuutit naammaginantumik naleqqussusillit Naalakkersuisunit akilerneqarsinnaapput.

Imm. 3. Imm. 2 naapertorlugu qinnuteqaat kommunimi suliffissarsiuussisarfik aqutigalugu Naalakkersuisunut tunniunneqassaaq.

Suliffissarsiortut killilersimaarneqarnissaat

§ 8. Atorfiit ataani taagorneqartunut atorfinnut immikkoortitikkat sulisussairik Kalaallit Nunaanneersumik imaluunniit sulisussamik immikkut ittumik Kalaallit Nunaannut attuumassutilimmik inuttalersinnaanngikkaanni sulisitsisoq pisussaavoq sulisussamik avataaneersumik atorfinitsitsinissamut akuersissummik qinnuteqassalluni. Nunamilu umiarsuarnilu assartuutini atorfinni makkunani atorfinitsitsinissamut akuersissutissaq atorfinitsitsinnginnermi qinnutigineqassaaq:

- 1) atorfinni suliamik ilinniagaqarsimanngitsunik inuttalerneqarsinnaasuni,
- 2) atorfinni suliassamut naapertuuttumik ilinniagaqaqqaarluni atorfiniffigineqarsinaasuni imaluunniit Siamasissumik Tunngaviusumik Ilinniartitaaneq atorlugit ilinniagaqaqqaarluni atorfiniffigineqarsinnaasuni,
- 3) atorfinni annerusumik soorlu perorsaasutut isumaginninnermiluunniit siunnersortitit ilinniagaqaqqaarluni atorfiniffigineqarsinnaasuni,
- 4) atorfinni imarsioinerup tungaatigut annertunerusumik ilinniagaqaqqaarluni atorfiniffigineqarsinaasuni.

§ 9. Suliffissarsiuussisarfik aqutigalugu kommunimi suliffissaqartitsinermut ataatsimiititaliamut sulisussamik avataaneersunik atorfinitsitsinissamut akuerineqarnissamik qinnuteqaat immikkut immersugassiaq atorlugit sulisitsisumit qinnuteqaatigineqassaaq.

Imm. 2. Immersugassami qinnuteqarfissamipaasissutissat makku oqaatigineqassapput:

- 1) Sulliviup aqqa, sumiiffia sulisitsisutullu normu,
- 2) suliap suntut tunngasuunera,
- 3) atorfiup qinnutigineqartup taaguutaa imaataluallaaserineqarnera,
- 4) pininnaassutsimut piukkunnassutsimullu piumasarineqartut,
- 5) atorfeqartitaanissap sivilisussusissaa sapaatillu akunneranut sulisarnissap piffissaa,

6) atorfinnissami aningaasartuutissat, ineqamissaq akissarsiassanullu tunngassuteqartunutpillugit paasissutissat,

7) atorfiup sulisartumit kalaaliusumit pineqamissaa pillugu iliortoqarsimaneranik paasissutissat,

8) inuup atorfimmik atorfinitsinneqalersaartup, tamanna ilisimaneqalersimappat, aqqa kiisalu

9) inuup atorfimmi atorfinitsinneqalersaartup Kalaallit Nunaannut attuumassutigisinnaasaa.

Imm. 3. Sulisartuq kalaaliusooq sulisitsisup itigartissimagunik, imm. 2, nr. 7 takuuk, qinnuteqaat itigartitsinermut tunngaviliussamik imaqassaaq.

§ 10. Pisinnaassutsimut piukkunnassutsimullu piumasarineqartut atorfiup imarpiaanun naapertuutissapput suliasallu iluani piumasarisasunut sippuisoqassanani.

§ 11. Sulisumik avataaneersumik atorfinitsitsinissamik akuerineqarnissamik qinnuteqaat suliffissarsiuussisarfiup tiguguniuk atorfimmu sulisartumik kalaaliusumik imaluunnit sulisussamik Kalaallit Nunaannut immikkut ittumik attuumassuteqartuntik atorfimmu piukkunnaateqartumik innersuussisoqarsinnaanersoq, inatsisip §-ia 4 takuuk, misissussavaa. Innersuussineq pissaaq Nalunaarutip §§-ii 1-3-miittut malittarisassatut aalajangersakkat naapertorlugit.

§ 12. Suliffissaqartitsinermut ataatsimiititaliap sulisumik avataaneersumik atorfinitsitsinissamik akuerineqarnissamik qinnuteqaammik itigartitsissut nalunaarutigissavaa atorfik sulisartumut kalaaliusumut atorfimmu piukkunnaateqartumut innersuussutigineqarsinnaappat. Tassunga peqatigitillugu suliffissarsiuussisarfiup sulisartuq pineqartuq silisitsisumut innersuutissavaa. *Imm. 2.* Itigartitsissut immersuiffissakkut immikkut tassunga atugassiaasukku piaarnerpaamik kingusinnerpaamillu qinnuteqaatip kommunimit tiguneqarneraniit ullut 14-it qaangiutinnginneranni nalunaarutigineqassaaq.

§ 13. Suliffissarsiuussisarfiimmit pineqartumitsuliffissarsiuussisarfinilluunniit allanit sulisussamik piukkunnaateqartumik innersuussisoqarsinnaanngikkaangat suliffissaqartitsinermut ataatsimiititaliap sulisumik avataaneersumik atorfinitsitsinissamik akuerineqarnissamik qinnuteqaammut akuersissut nalunaarutigisassavaa.

Imm. 2. Akuersissut immersuiffissakkut immikkuttassunga atugassiaasukku piaarnerpaamik kingusinnerpaamillu qinnuteqaatip tiguneqarneraniit ullut 14-it qaangiutinnginneranni nalunaarutigineqassaaq.

§ 14. Akuersissut piffisamik qinnutigisamik sippuisinnaanngilaq.

Imm. 2. Atorfimmu ataavartumik atorfigitikkusutamut akuersissut piffissami aalajangersimasumik sivisussusilimni atuuttussanngortinneqarsinnaavoq, inatsisip § 6-ia, imm. 2 takuuk.

Piumasarineqartuq tassaavoq akuersissutip atuuffiani qularnaallineqarsinnaassamat siunissami sulisussat pineqarsinnaasut allanngornissaat.

Imm. 3. Akuersissut piffissami aalajangersimasumik sivisussusilimmi atuuttussanngortitaq qinnuteqaqqinnikkut sivitsorneqarsinnaavoq.

§ 15. Sulisitsisoq suliffissaqartitsinermut ataatsimiititaliap inatsisip § 6-ia naapertorlugu aalajangiussaanik Naalakersuisunut maalaarutiginninniaruni maalaarutini allakkat puuannut nalunaaqtsikkamut ikillugu Naalakkersuisunut nassiutissavaa.

§ 16. Suliffissaqartitsinermut ataatsimiititaliap qinnuteqaatit aamma akuersissutit tunniussat kiisalu suliffissarsiortut suliffissarsisamerat tunuarterannillu nalunaarutaasartut nalunaarsussavai. Taamattaq suliffissaqartitsinermut ataatsimiititaliap suliffissanik ilisimaarinninnini tunngavigalugu kiisalu pisortat ingerlatsiviinik suleqateqarnermigut sianigissavaa inatsisip aalajangersagai malinneqarnerut.

§ 17. Suliffissaqartitsinermi ataatsimiititaliap sulisitsisut paasissutissanik nakkuninnga piffigisinnaavai:

- 1) suliap imaanik tunngavigisaanillu, tantatumanissaaq sulliviup suleriaasiinik, piffissamik suliffiusartumik, pissutsini akissarsianut ineqartitsinermullu tunngassuteqartuni,
- 2) sulisoqassuseq sulisinnaasunillu pisariaqartitsineq, tamatumanissaaq piginnaassutsit agguataarneqarnerat,
- 3) sulisorisat sulisartut kalaaliusut avataaneersullu qanoq agguataarsimanerat, kiisalu
- 4) suliamik taamaatitsinermut peqqutaasut suliffissaqanngitsunut sulisussarsiortunut siusinnerusukkut suliffiusimasinnaasuni.

§ 18. Suliffissaqartitsinermi ataatsimiititaliap suliassat periarfissiissutaasut kiisalu sulisussanik avataaneersunik atorfinitsitsinissamut akuerineqamissamik qinnuteqaatit naatsorsuusiortugit nalunaarusiussavai, nalunaarusiallu pisorta qarfimmu pineqartunik suliqaartumut nalunaarutigalugit. *Imm. 2.* Suliffissaqartitsinermi ataatsimiititaliap suliffissarsiortut saaffiginnissutaat sulisoqassutsillu katitigaanera kiisalu suliat suunerannut sulliviillu angissusiinut agguataarnerat naatsorsuusiorsinnaavai. Suliap assilineqarnera pisorta qarfimmu pineqartunik suliqaartuntut nassiunneqassaaq. *Imm. 3.* Pisorta qarfiup pineqartunik suliqaartupimm. 1-imi aamma imm. 2-mi nalunaarutigineqartussat taaneqartut najoqqutassaata ilusissaat aalajangersaavigissavaa.

Suliffissaqartitsiniarneq

§ 19. Suliffissaqartitsinermi ataatsimiititaliap suliffissaqarnerup ineriartornera malittarissavaa tamannalu tunngavigalugu ataqatigiissiterillunilu suliffissaqarnermi illuatungeriit qaninnerusooq ungasinnerusorlu eqqarsaatigalugit nunagisami suliffissanik pitsanngorsaanerit annertusaanerillu pillugit suleqatigissallugit.

§ 20. Suliffissaqartitsinermi ataatsimiititaliap suliffinnik pilersitsiortorrikkut suliffissaqartitsiniarlurti qanoq iliuusissat qularnaarumallugit pilersaarusiussavai, aammalu taamaaliornikkut sulisussat piginnaasusiat nukittorsarumallugu.

Imm. 2. Imm. 1-imi taaneqartut qanoq iliuusissat pillugit Namminersornerullutik Oqartussat Nalunaarutaat nr. 20 ulloq 20. juni 1986-imeersoq naapertorlugu tapiissutissat qinnutigineqarpata pilersaarutit suliarineqassapput bygderådit tusarniaffigereerlugit kommunalbestyrelsimullu siunnersuutitut nassiunneqarlutik.

Atortuulerfissaq

§ 22. Nalunaarut una atuutilissaaq 1. oktober 1990.

Namminersornerullutik Oqartussat, ulloq 18. september 1990.

Jens Lyberth

/

Ejvind Christoffersen